



Attaveqatigiinnermut Ineqarnermullu Ataatsimiititaliaq
/Maani

Pineqartoq: Uunga siunnersuut: Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliussissat pillugit Inatsisartut inatsisaat

27. april 2010

Sagsnr. 2010-026626

Dok. Nr. 365562

Attaveqatigiinnermut Ineqarnermullu Ataatsimiititaliaq apeqqutigisai tunngavigalugit imaattumik akissuteqassaanga:

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

Apeqqut 1-1 pillugu)

Siunnersuut KANUKOKA-mut, kommuninut ingerlatiteqqinnissaminut pisussaaffeqartumut tusarniaassutigineqarpoq. Ilisimatitsissutigisinnaavara, kommunit tamarmik tusarniaanermi akissuteqarsimmamata, aammalu taakkunani qatserisartunut pisortat oqaaseqaateqarsimmamata, ilaatigut takuuk Kommuneqarfik Sermersuup tusarniaanermi akissuteqaataa.

Apeqqut 1-2 pillugu)

Upalungaarsimanermut Ataatsimiititaliaq eqqarsaatigalugu upalungaarsimanermut pisortat ilaasortaaitaanissaat naleqqutinngilaq, taakku suliassaat kommuniniimmata.

11. september 2001-imi New York-imi ajortumeeriniat saassussinerat tunngavigalugu Upalungaarsimanermut Ataatsimiititaliaq 2001-imi Naalakkersuisut siulittaasuannit pilersinneqarpoq. Ilaasortat katitigaanerat 2001-imi maannakkutut iinnarpoq.

Annertunerusunik ajutoortoqartillugu ajunaarnersuaqartillugulu, imaluunniit pisariaqartitsilerfimmil Upalungaarsimanermut Ataatsimiititaliaq aggersarneqartartussaavoq, aammalu annaassiniarnerit malinnaaffigisussaavai, pisariaqartitsinerlu naapertorlugu ataqatigiissaarisussaalluni. Upalungaarsimanermut Ataatsimiititaliaq politikikkut suliassaqarfimmut siunnersortitut ataqatigiissaarisutullu atuuttussaavoq. Upalungaarsimanermut Ataatsimiititaliaq Naalakkersuisunut toqqaannartumik attaveqartarpoq, aammalu pisut pillugit paasissutissanik politikikkut suliassaqarfimmut ingerlatitseqqittartuulluni.

Upalungaarsimanermut pisortat KANUKOKA-p Upalungaarsimanermut Ataatsimiititaliami kommunit soqutigisaannik isumagisaqartuusup sinniisuuffigai. Kiisalu qatserisartut, taakkunungalu upalungaarsimanermut pisortat ilanngullugit oqartussaasutut inissimasuunngillat, taamaallaalli pisut ilaanni oqartussaasunut ataatsinut sinniisuullutik. Oqartussaasoq tassaavoq kommuni, taassumalu soqutigisai KANUKOKA-mit isumagineqarput.

Aningaasaqarnikkut sunniutissat:

Aallarniutigalugu oqaatigineqassaaq, kommunit annaassiniarnissamut upalungaarsimasunik, taakkulu kommunini illoqarfinnilu ataasiakkaani suliassaannik annertussusiliisussaammata. Taamatuttaaq kommunit pisussaapput, qatserisartoqarfiit annaassiniarnermilu atortut atatissallugit aserfallatsaaliussallugillu, tamannalu kommuninit isumagineqareerpoq. Taamaallaat annertussusissaq ilinniartitaanerillu pillugit isumaqatigiinnissaq amigaataasoq uani pineqarpoq, taakkulu maannakkut isumagineqareersunit annertunerusumik allaanerussuteqanngillat.

Tamatumunnga maleruagassanut siunnersuutit KANUKOKA aqcutigalugu kommuninangaanneertartussaapput, taakkuuppummi kommunimi najukkaminni annaassiniarnissamut upalungaarsimasut piginnaaneqarfissaannut tunngatillugu illoqarfimminnik ilisimanninnerusut.

Sulisut akissarsiaqartinneqarnerinut tunngasut tassaapput apeqcutit, KANUKOKA-p aamma Namminersorlutik Oqartussat akornanni isumaqatigiinninniartoqarneratigut aaqqineqartussat.

Apeqcut 2-1 aamma Apeqcut 2-2 pillugit)

Qatserisartoqarfiit ukiuni arlaqartuni atortunik, nalinginnaasumik annaassiniarnissamut upalungaarsimasunit atorneqartartunik pigisaqarsimapput atuisarsimallutillu. Tassalu qatserisartoqarfiit suliassanik qatserisartoqarfinni suliassat avataaniittunik, soorlu annaassiniarnernik kaanngartitsiniarnernillu suliaqartarsimapput. Inatsisissatut siunnersuut aqcutigalugu maleruagassanik nutaanik annertunerusumik atuutsitsisoqalertussaangilaq, tassami qatserisartoqarfiit annaassiniarnernik il.il. oqartussaasunut allanut entreprenøritut isumagisaqartareerput. Suliassat taakku sillimmasiinertaqanngitsumik sularineqartarnersut Naalakkersuisut ilisimangilaat, kisiannili siunnersuutip atuutilerneratigut sillimmasiissutinit matussuserneqarsinnaalissapput.

Aningaasanut Inatsimmi aamma inatsisissatut siunnersuummi oqaatigineqartutut kommunit 2010-miit kaanngartitsiniarnerni sakkunik pisinissamut aningaasaliiffigineqartalereerput. Illoqarfiit ataasiakkaat atortunik peqareerput. Taamaattumik inatsisissatut siunnersuutip tassunga tunngasortaanut aningaasanik immikkoortitsisoqareerpoq.

Oqaatigineqassaaq, kommunit qatserisartoqarnermut aningaasaliivigineqareermata. Siornatigut atuutereersutut qatserisartut pisortaata sulisumi kommunimi suliassanik isumagisaqarnissamut ilinniartitaanissaat akisussaaffigissavaa. Sulisut ilinniaqqinnissaannut suliassanillu allanik, soorlu annaassiniarnernik kaanngartitsiniarnernillu suliaqarnissamut piginnaanngorsarnissaannut aningaasanik konto pingaarneq 20.05.31 aqcutigalugu immikkoortitsisoqarpoq.

Annaassiniarnissamut ilinniartitaaneq tapertaasoq – apeqcut 3-1 pillugu)

Tassunga tunngatillugu oqaatigineqassaaq, annaassiniarnerni upalungaarsimanermi annaassiniarnermut ilinniartitaanermik tapertaasumik atuinissap annertussusissaa tamatumalu pisariaqassusia kommunit aalajangertussaammassuk. Oqaatigineqareersutut kommunit qatserisartoqarnermut tassanilu ilinniartitaanermut siusinnerusukkat aningaasaliiffigineqareerput. Annaassiniarnermut ilinniartitaaneq

tapertaasoq pisariaqartutut kommunit naliliiffigunikku, kommunit namminneerlutik tamanna isumagissavaat, tamatumalu aningaasaqarnikkut sunniutissai isumagissallugit.

Apeqqut 4-1 pillugu – siunnersuutip aappassanneerpeqarnissaata kinguartinneqarnera

Aningaasaqarnermut tunngassuteqartut tamakkiisumik nassuiarneqarsimannginnerannik oqarnermut Naalakkersuisut isumaqataangillat. Pisariaqartitsiviusuni pitsanngorsaanissamut ilinniaqqinnissamullu aningaasanik immikkoortitsisoqarsimasoq allassimavoq. Taamatuttaaq Aningaasanut Inatsimmi aamma inatsisissatut siunnersuummi oqaatigineqartutut kommunit 2010-miit kaanngartitsiniarnermi sakkunik pisinissamut aningaasaliiffigineqartalereerput.

Naalakkersuisut isumaat malillugu siunnersuut tamakkiisumik nassuiarneqarsimavoq, aammalu aappassanneerpeqarnissaa kinguartinneqartariaqannngilaq.

Taamatut oqaaseqarlunga pilersitsiviusumik isumasioqatigiinnissamut qilanaarpunga.

Inussiarnersumik inuulluaqqusilluta

Jens B. Frederiksen